

wolte ich E. Churf. Gn. mit der hülffe Gottes eine Tinctur/auff Gold vnd Silber zuwegen bringen / mit diesem vorgehandten schwarzen γ . so auß dem Rieß durch den ζ . sich sehen vnd ziehen lassen / vnd mit der Röth des Eysen / welches der gestalt gemacht werden müste / wann ich die Auflösung des γ . gemacht hette / vnd die Röthe des γ . solte solche zwo Röthen zusammen giessen / das Oleum Martis per se ohne corrosiue auch darein / diese drey Species mit einander eincoaguliren lassen / so würde ich in Fundo ein Steinlein befinden / also schön als ein Rubin / desselben Stein / wann ich ihn zu ζ . Firer hinein thät / wann das ζ . geflossen / so solte es zu gutem Silber werden / thette ich es aber in ein geflossen ζ . so solte ja gut Gold darauß werden / wann ich nun das Oleum Martis also hette / so were es eine Versicherung / ob es an dem were / Ich hette die hoffnung zu Gott / ich wolte es mit seiner Göttlichen Hülffe vollenden / das sehe ich nun E. Churf. G. in ihren gefallen.

E. Churf. Gn. die sollen zum vnderthänigsten auch berichtet seyn / wann man nun das auffgesoluirte ζ . vnd ζ . also weit dahin gebracht hette / so nimbt man es / vnd süßt es abe / wie einandern Scheid Silber Kalck / allein daß man wenig Salk dazu nimbt / in dasselbe edle Wasser / das thut / oder muß derwegen geschehen / das Salk zeuchet den Schwefel in sich vollend / daß das Zinn bey sich behalten hat / in der ersten Laugen läßt es langsam sein Dreugen / biß es zimlich hart / alsdann in ein Tiegel gethan / vnd geschmelzt.

Das Absüssen von dem Niederschlaß des Golds / geschieht also / so es nun seine Zeit gestanden / wie bemeldet worden / geußt man das Gradir oder das andere Scheidwasser abe / geußt darein ein gemein wol warm Wasser / darauff rühret es wol vmb / läßt es also stehen Tag vnd Nacht / so es gestanden / geußt man es abe / süßt es alsdann abe / wie man sonst einen Goldkalck pfleget abe zu süßen / so solches geschehen / so dreuget es man abe / vnd in einen Tiegel gethan / lassen fließen / gekörnt oder an Zinnen gegossen / ist alles gleich.

Gnädigster Churfürst vnd Herz / es schadet ihm gar nichts / daß sich der ζ . also gar hinein gezogen hat / E. Churf. Gn. sollen wissen / wann ich ihn also weit gebracht / vnd solchen ζ . widerumb ganz heraussere nehmen will / so feuchte ich ihn wider an / mit halb Weinessig / vnd halb gebranden Wein gar wol / so muß er sich wider finden ganz vnd gar / alsdann nehme ich die Species / beneben dem Rieß / thue sie in ein häres Sieblein / vnd rühre ihn wol vmb / so scheußt der Mercurius hindurch / alsdann kan ich ihn brauchen / E. Churf. Gn. wollen ihn jetzt nur also stehen lassen / biß darnach vmb
zwölff